



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-303-6/24**
Datum: **11.02.2025. god**

«Agencija za vodno područje rijeke Save» Sarajevo rješavajući po zahtjevu pravnog lica «EURO-ASFALT» d.o.o. Sarajevo za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za indirektno ispuštanje oborinskih onečišćenih i sanitarno fekalnih otpadnih voda sa lokaliteta pogona asfaltne baze u naselju Koritnik, općina Breza, na osnovu člana 109. stav (1) tačka 3. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «EURO-ASFALT» d.o.o. Sarajevo, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za indirektno ispuštanje oborinskih onečišćenih i sanitarno fekalnih otpadnih voda u upojni bunar sa lokaliteta pogona asfaltne baze kapaciteta 120 t/h izgrađenog u naselju Koritnik, na zemljištu označenom kao k.č. broj: 1230 K.O. Kamenice, općina Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na predmetnoj lokaciji i uz sljedeće uslove:
 - 2.1. Da se upotreba i korištenje instalirane opreme i objekata na predmetnom lokalitetu vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se onečišćene oborinske vode sa radnog platoa, saobraćajnih i manipulativnih površina, prikupljene zasebnom kanalizacionom mrežom sa slivnicima i slivnim rešetkama, nesmetano odvede na tretman u separator ulja i masti. Prečišćene vode iz separatora se, preko okna za monitoring, ispuštaju u upojni bunar.
 - 2.3. Da se, za vrijeme trajanja ove dozvole, obezbijedi da se sanitarno fekalne vode iz toaleta za uposlene prikupljaju zasebnom kanalizacionom mrežom i odvede na tretman u dvokomornu septičku jamu sa prelivom, preko zasebnog okna za monitoring, u upojni bunar.
 - 2.4. Prečišćene otpadne vode, prije ispuštanja u upojni bunar moraju ostati u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Objekte koji se koriste u svrhu prikupljanja, odvodnje i tretmana oborinskih onečišćenih i sanitarno fekalnih otpadnih voda nastalih na predmetnom lokalitetu (kanalizaciona mreža, slivnici, linijske slivne rešetke, septička jama, separator ulja i masti...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Čišćenje i održavanje separatora ulja i masti i septičke jame te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora ulja i masti i septičke jame kao i preuzimanje drugog otpada.
 - 2.7. Sadržaj (mulj) iz separatora ulja i masti se ne smije ni privremeno odlagati na česticu «vodno dobro», odnosno u vodotok i na njegove obale.
 - 2.8. Da se skladištenje bitumena vrši u nadzemnim rezervoarima ukupne zapremlne 135 m³ a lož ulja potrebnog za zagrijavanje bitumena u podzemnom rezervoaru zapremine 30 m³.
 - 2.9. Da se zaštitna tankvana oko rezervoara bitumena (kao i sami rezervoari) redovno kontroliše na vodonepropusnost tj da se vrši periodično ispitivanje iste te poduzimaju odgovarajuće mjere u cilju sprječavanja akcidentnih zagađenja usljed eventualnog curenja iz rezervoara ili tankvane.
 - 2.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 2.11. Da se na predmetnom lokalitetu, osiguraju priručna sredstva za brzu intervenciju u slučaju nekontrolisanog istjecanja lož ulja i termalnih tečnosti, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.12. Da se rabljena ulja i sličan otpad skladišti u odgovarajućoj ambalaži u natkrivenom prostoru do konačnog zbrinjavanja od strane ovlaštenog pravnog lica.
 - 2.13. Vlasnik odnosno korisnik pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.14. Ispitivanje kvaliteta otpadnih voda vršiti na dva mjesta (nakon separatora ulja i masti i septičke jame) a prije ispusta u upojni bunar.
 - 2.15. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu predmetnog pogona obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog kakvog karaktera, korisnik objekta je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica «EURO-ASFALT» d.o.o. Sarajevo, dana 18.06.2024. godine podnesen je ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za indirektno ispuštanje oborinskih onečišćenih i sanitarno fekalnih otpadnih voda u upojni bunar sa lokaliteta pogona asfaltne baze kapaciteta 120 t/h izgrađenog u naselju Koritnik, na zemljištu označenom kao k.č. broj: 1230 K.O. Kamenice, općina Breza.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 065-0-RegZ-24-005803 izdatog dana 13.05.2024. godine od strane Općinskog suda u Sarajevu,
- Ovjereni kopija Uvjerjenja o poreznoj registraciji izdatog dana 09.03.2007. godine od strane Porezne uprave - Kantonalni ured Sarajevo,
- Ovjereni kopija Rješenja o upotrebi građevine broj: 12-23-2049/06 izdatog dana 23.06.2006. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-160-4/19 izdatog dana 07.08.2019. godine od strane «Agencije za vodno područje rijeke Save» Sarajevo,
- Projekat izvedenog stanja urađen od strane «ZAGREBINSPEKT» d.o.o. Mostar (broj: 01-15-175-V/24, maj 2024. godine) - na uvid,
- Kopija Zapisnika broj: UP1-14-21-2-00067/2024-1403-P urađen dana 07.08.2024. godine od strane Federalne uprave za inspekcijske poslove – Federalni vodni inspektor,
- Kopija Ugovora broj: 220-01/24 o sakupljanju, skladištenju i zbrinjavanju opasnog otpada zaključenog dana 18.03.2024. godine između «EURO-ASFALT» d.o.o. Sarajevo i «KEMEKO-BH» d.o.o. Lukavac (prilog: račun o čišćenju separatora ulja i masti broj: 00850/24 od 08.08.2024. godine sa transportnim listom broj: 841-04/24 od 06.08. 2024. godine),
- Kopija Ugovora broj: 762-01/24 /24 o sakupljanju, skladištenju i zbrinjavanju opasnog otpada (novi Ugovor koji se odnosi i na čišćenje septičke jame) zaključenog dana 30.09.2024. godine između «EURO-ASFALT» d.o.o. Sarajevo i «KEMEKO-BH» d.o.o. Lukavac (prilog: radni nalog o čišćenju septičke jame od 10.02.2025. godine),
- Kopija Izvještaja o rezultatima ispitivanja kvantitativnih karakteristika efluenta sa programom praćenja stanja voda (monitoring) voda broj: 01-2-91-XI/24, novembar 2024. godine urađen od strane «Zagrebinspekt» d.o.o. Mostar (mjerno mjesto E₁ iza separatora ulja i masti),
- Kopija Izvještaja o rezultatima ispitivanja kvantitativnih karakteristika efluenta sa programom praćenja stanja voda (monitoring) voda broj: 01-2-20-II/25, februar 2025. godine, urađen od strane «Zagrebinspekt» d.o.o. Mostar (mjerno mjesto E₂ iza septičke jame),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta asfaltne baze u naselju Koritnik, općina Breza i tom prilikom je sačinjen Zapisnik o uviđaju broj: UP-1/21-3-40-303-2/24 od 05.09.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogon asfaltne baze tipa «OKIPP» AB 120 VKM-5-VSM II kapaciteta 120 t/h izgrađen je na lokalitetu zvanom Koritnik na dijelu površinskog kopa Kamenice RMU Breza.

Pogon se sastoji od upravnog objekta, postrojenja za proizvodnju asfalta tipa «OKIPP» AB 120 VKM-5-VSM II, 5 boksova za frakcije, 3 nadzemna rezervoara za bitumen ukupnog kapaciteta 135 m³, rezervoara za lož ulje kapaciteta 30 m³, rezervoara za smještaj termalnog ulja (osnovni rezervoar kapaciteta 147 lit i sigurnosni rezervoar kapaciteta 1500 lit), sušara agregata, separatora masti i ulja, septičke jame.

Snabdijevanje vodom za sanitarne potrebe i hidrantsku mrežu obezbijeđeno je priključkom na mjesnu vodovodnu mrežu.

Za predmetni pogon asfaltne baze ranije je od strane ove Agencije, doneseno Rješenje o vodnoj dozvoli broj: UP-I/25-3-40-160-4/19 od 07.08.2019. Oborinske vode sa radnog platoa, saobraćajnih i manipulativnih površina koje mogu biti opterećene naftnim derivatima kao i suspendovanim materijama sa radnih površina i internih saobraćajnica prikupljaju se sistemom slivnika, slivnih rešetki i kanalizacione mreže i odvođe na tretman u separator masti i ulja. Preliv iz separatora je, preko okna za monitoring, u upojni bunar – krajnji recipijent otpadnih voda.

Sanitarno-fekalne otpadne vode se nakon tretmana u dvokomornoj septičkoj jami zapremine 6 m³, preko okna za monitoring, ispuštaju u upojni bunar.

Čišćenje separatora i septičke jame se radi redovno od strane «KEMEKO-BH» d.o.o. Lukavac (priložen račun o čišćenju separatora ulja i masti broj: 00850/24 od 08.08.2024. godine sa transportnim listom broj: 841-04/24 od 06.08. 2024. godine i radni nalog o čišćenju septičke jame od 10.02.2025. godine).

Monitoring otpadnih voda se vrši na dva ispusna mjesta. Na uvid predloženi izvještaji o ispitivanju kvaliteta otpadnih voda za novembar 2024. godine (mjerno mjesto E₁ - iza separatora ulja) i za februar 2025. godine (mjerno mjesto E₂ - iza septičke jame) urađeni od strane «Zagrebinspekt» d.o.o. Mostar

Prema podacima iz dostavljenih Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog poslovnog objekta u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «EURO-ASFALT» d.o.o. Sarajevo, ispunio minimum uslova za izdavanje vodne dozvole za indirektno ispuštanje otpadnih voda u upojni bunar i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona asfaltne baze kapaciteta 120 t/h u naselju Koritnik, općina Breza, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-303-2/24 od 04.09.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «EURO-ASFALT» d.o.o. Sarajevo
- Rajlovac bb, 71000 Sarajevo
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava